

江苏海运全案

江蘇布政使賀長齡爲遵批詳覆事道光六年三月十六日奉

巡撫部院陶 批本司詳具攬未到商船漁利玩公酌示罰懲一案蒙批所議每石減去水腳銀五分是否酌中定議仰再確核議詳等因到司奉此本司查得遲歸商船罰減水腳以之抵給急公船隻神福犒賞銀牌等項之用自屬賞罰分明並昭勸戒至棧租之費業經詳奉准於經費內一律動支事竣核實造報自可毋庸再以所罰水腳抵給至遲歸商船罰減水腳前據上海總局議詳以遲至三月後進口船隻

江蘇海運全案 卷一
每石減去銀一錢五分未免太多是以酌中定議每石減去五分以此計之則可裝千石之船已有罰減銀五十兩似足以儆玩誤相應具文詳覆伏候批示飭遵爲此呈乞

照詳施行

道光六年三月初十日具詳奉

巡撫部院陶

批如詳移行飭遵繳

江蘇布政使賀長齡蘇松常鎮督糧道宋潢爲海運
接續派兌隨裝隨開不必拘分二運酌擬應辦事宜
呈請核咨事照得海運漕糧自正月開兌起屆今共
兌竣商船一千一百餘隻實裝糙白二米一百二十
二萬二千一百餘石隨裝隨開約計先開各船已到
天津正可從容交兌是運過米數按全漕已逾十分
之七較之原擬八九十萬已屬增加此後尙有修艖
未竣及續到各船約尙可裝米十萬餘石亦卽隨兌
隨開正與不必勻分二運

諭旨相符惟上海每日進口之船不過三兩隻仍須卸貨

並有尙應拆修者計非刻期所能竣事且此項續到各船內有船身低小裝載不過二三百石礙難遠涉大洋者均應剔除則未運米四十萬石必須俟赴津各船回南方能全運但海船趁風駕駛本無幫次儘有同日開行而到岸之期相去旬日甚至有數十日者祇可牽先搭後絡繹放洋此時陸續赴津則回棹自難畫一現在各屬存倉待運及就近囤棧上海之米業經嚴飭各該縣加謹收貯並飭上海總局將此後進口各船無論已未具攬凡有可用卽細心挑選派運以期趕早赴津免致曠延時日但江南梅雨甚

多若遲過五月米質恐致變黑白應節節提前庶無
他慮今商船回棹之遲速未能預期而赴津交兌之
後先亦難懸擬應請移咨直隸奉天山東各省遵

旨嚴催首運及未回各船趕早回棹不得稍任逗畱其上
海現在每日續到商船爲數無多又須卸貨修艖零
星派兌事務較簡本司前已詳明將委赴上海執事
各員分起撤回祇畱四五員隨時辦理在案可否並
請將蘇省現係接續派運到津次第兌收緣由會咨
直隸總督部堂暨
倉場衙門查照伏祈

照詳施行

道光六年三月十一日具詳奉

爵督部堂琦 批仰候

巡撫部院察核分咨繳

總漕部院陳 批仰候

巡撫部院會核咨明

倉場部院暨

直隸總督部堂查照繳

巡撫部院陶 批仰候會同

爵督部堂分咨查照飭催繳

江蘇布政使賀長齡爲據情轉詳事竊據上海總局
委員松江府川沙同知李景嶧稟稱竊照蘇松常鎮
太四府一州道光五年分糧米由海運津前蒙

奏委川沙營叅將關天培押送首運米石京口副將湯
攀龍押送二運米石嗣緣頭運漕米百萬餘石裝船
千有餘號督押之關叅將適中行走恐難後顧經提
督會同狼山鎮計議添派掘港營都司俞大銓掃幫
護送至東省石島交替以昭慎重等因卑職伏查首
運米石現已裝至一百二十萬石將來掃幫全竣首
運已有一百三十萬石之多迨回船二運米數不過

三十餘萬石今奉添委俞都司掃幫護送頭運米石亦必須跟帶兵役自雇船隻至石島往回亦應代籌盤費以示體恤卑職查前蒙議定首次兩運押送官各給盤費銀二千兩押首運之關叅將業已如數領去至次運之押送官雖同係遠涉海洋而米數船數不及首運四分之一易於照料毋庸如關叅將之先遣把總一名帶兵役二名前往用度較省擬請于二運押送官應給盤費項內提出銀二百兩以爲俞都司石島往來盤費商之提督以爲平允等情到司伏查掘港營都司俞大銓奉委護送頭運尾船至東省

石島交替必須跟帶兵役自雇船隻往回盤費在所
不免今既據該委員稟請于二運押送官應給盤費
項內提出銀二百兩以爲俞都司石島往來盤費之
用似屬公允可否俯如所稟卽于松太道庫屬解津
貼銀內動支給發以示體恤相應據情轉詳伏候
批示飭遵爲此呈乞

照詳施行

道光六年三月十六日具詳奉

爵督部堂琦 批如詳飭遵繳

總漕部院陳 批仰候

巡撫部院核示遵行繳

巡撫部陶 批如詳飭遵繳

戶部爲遵議等事雲南司案呈准漕運總督咨據江
寧布政使張志緒蘇州布政使賀長齡江安督糧道
湯藩蘇松常鎮督糧道宋潢會詳兌運並協運蘇松
常鎮太四府一州漕糧幫船停畱河北接運浙江等
省新漕費用浩繁丁力貧疲實形苦累自應遵

旨酌加調劑請將月糧全行支給等情到本部院據此本
部院等悉心察核該司道所稱河北住守接運船隻
較之出運需費更多而得項轉少種種苦累難支須
將前項月糧銀米全給幫丁之處係屬實在情形相
應咨部查照核覆等因前來查蘇松常鎮太四府一

州漕糧改由海運所有漕船在河北接運別省漕糧該軍船僅有水腳口糧其行月贈五等項無從支給幫丁苦累難堪前經該督等請照減運漕船之例于所省行月贈五項下量爲核減酌給

奏准遵行在案今據該督咨稱查贈五係額編隨漕給丁之款今糧歸海運並非本船裝載若再議給殊於本款原意不符至行糧係出運之款旣已得領水腳亦未便重複議給是行贈兩款均應毋庸議撥若就月糧一款酌減核給仍不足以資調劑請將月糧本款內全行給發以紓丁力其節省行贈等項造入撥

冊聽候撥用等語查該省接運軍船僅得水腳口糧未免苦累且經奉

旨調劑自應將月糧一款全數給發以歸簡便而資津貼應如所咨辦理仍將給發月糧行米按幫分晰造冊報部查核並將節省行贈銀兩造入撥冊報部撥用節省米石亦卽派幫搭運赴通交納可也

道光六年三月二十日咨

兩江爵督部堂琦 爲咨行事道光六年三月初八

日准

盛京兵部火票遞到

盛京將軍

奉天府尹 咨左戶司會案呈道光六年二月十五日准

軍機處行知二月初十日內閣奉

上諭琦善奏海運漕糧儘船受兌現到商船九百餘隻足
運米八十餘萬石所有兌竣船隻先開赴十滋候風初
運沙船到津卸米後前往奉天買豆催令南歸等語販
豆係該船商常年本業且海船利於壓重不能駛放空
船自應准其照常往販惟尙有二次兌運必應迅速南

江蘇海運全案 卷一
下著奉天府尹飭各該地方官俟商船到彼卽令置貨
開行無得勒指並飛咨經過直隸山東各省轉飭沿途
海口催令南歸勿任逗畱貽誤欽此欽遵前來除恭摺
具

奏外相應飛飭各海口旗民地方官遵照

旨內事宜曉諭沿海一帶商賈鋪戶人等將應發各海口
豆石先期運至水次存貯一俟運漕海船到口驗明
來照立卽裝兌給與回照催令刻期開行仍將各船
進口出口日期按旬呈報並遴委明幹妥員督率稽
查倘兵役行店人等稍有勒指情弊卽行嚴加懲辦